



Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut:

1. **Namminersorlutik oqartussat pigisaanni ingerlatsiviit, soorlu A/S-ini, Naalakkersuisoqarfimmi siulersuisulersornissaannut oqartussaaffik, Naalakkersuisup sorliup oqartussaaffгаа, sunalu patsisigalugu tamanna taamatut oqartussaaffik inissinneqarnikuua?**
2. **Naalakkersuisut kingulliit maannamut inissimasut ivertinneqarneraniilli, ingerlatsivinni siulersuisut qassit sorliillu oqartussaaffigalugit siulersuisulersorneqarpat?**
3. **Naalakkersuisoqatigiinnissamik isumaqatigiissut maannamut atuuttumi imm. 190 ilaatigut imatut oqaasertaqarpoq:
”Ingerlatseqatigiiffiit pisortanit pigineqartut siulersorneqarneri eqqarsaatigalugu nunatsinni nunaqavissut atorluarneqartassapput salliutinneqartassallutillu”
Qaqugu Naalakkersuisup tamanna atuutsilersinniarpaa, atuutilersimangippallu suna patsisigaa?**
4. **Naalakkersuisup, ingerlatsiviit siulersuisulersornissaanut akisussaasup, ingerlatsivinnut siulersuisut nunaqavissuuneri qanoq nalilersortarpai? Inatsisit pioreersut Naalakkersuisup tunngavigippagit, imaluunniit nutaanik nunaqavissuunermut nalilersuuteqaruni innersuussinissaanut qinnuigineqarpoq.**
5. **Qinigaaneq una kingullermi siulersuisut inissitsiterneranni sorlerni Naalakkersuisup nunaqavissut, sorlernilu nunaqavissuunngitsut siulersuisunngortippat? Uani ataasiakkaarlugit taakkartussallugit Naalakkersuisoq qinnuigineqarpoq.**
6. **Naalakkersuisup nunaqavissut salliutinnginnerinut, tassa siulersuisunut inissinneqannginnerinut, suut patsisit atorneqarpat? Ingerlatsiviit ataasiakkaarlugit patsisigineqartut taakkartorneqarnissaannut Naalakkersuisoq qinnuigineqarpoq.**
7. **Nunatta inuiaqatittalu tamakkiisumik pigisaannut, soorlu A/S-inut, tamakkiisumik oqartussaaffigalugit piginnittuniit akulerussinnaatitaaneq qanoq Naalakkersuisup periuseqarfigaa, pigisatsinnut akulerussinnaatitaavugut isummersinnaatitaavugullu? Qanoq tamanna periusissaqartinneranut Naalakkersuisoq itisiliinissaanut qinnuigineqarpoq.**

(Inatsisartunut ilaasortaq Jens Napātôk, Partii Naleraq)

Inatsisartunut ilaasortaq Jens Napātôk

Imaneq 1, Postboks 4120, 3900 Nuuk, E-mail.: jnapp@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 30 Angallattagaq.: +299 25 88 66



partii naleraq

Tunngavilersuut:

”Ingerlatseqatigiiffiit pisortanit pigineqartut siulersorneqarneri eqqarsaatigalugu nunatsinni nu-naqavissut atorluarneqartassapput salliutinneqartassallutillu” Naalakkersuisoqatigiilersut 2018 – 2022 ersarippoq anguniagaat.

Kissaatigaara apeqqutima piffissarititaasut ullut sulliviit qulit iluanni akineqassasoq

Inatsisartunut ilaasortaq Jens Napátók

Imaneq 1, Postboks 4120, 3900 Nuuk, E-mail.: jnapp@inatsisartut.gl Nittartagaq.: www.partiinaleraq.gl
Oqarasuaatit.: +299 34 50 00 Toqqaannartoq.: +299 34 62 30 Angallattagaq.: +299 25 88 66